



栗園淺田先生著

馬脾懲忿篇完

來蘇病院藏



馬脾懲忿篇序  
人身有疾猶國有賊也。良醫之用藥。猶良將之用兵也。良醫之於疾。必先審其虛實強弱。而後施藥。不敢肆然施藥。必慎必懼。是以一已能回生起死矣。良將之於兵。亦然。在乎先審敵情。敵情審而後勝算成矣。故兵驕者惰。

栗園淺田先生著

馬脾懲恣篇完

宋蘇病院藏



馬脾懲恣篇序



人身有疾。猶國有賊也。良醫之用藥。猶良將之用兵也。良醫之於疾。必先審其虛實強弱。而後施藥。不敢肆然施藥。必慎必懼。是以一已能回生起死矣。良將之於兵亦然。在乎先審敵情。敵情審而後勝算成矣。故兵驕者惰。

者皆敗。尼山曰。必也治事而懼。好謀而成者也。為醫者其可不懼哉。淺田宗伯翁。今世良醫也。明治己卯。自療其女馬脾風。遂不能寐而沒。乃惺然而激。必。拔抄古今之醫籍。凡係于馬脾者。不論和漢。輯為一書。名曰馬脾源。將欲以拯後之患。多擇者。以尼山所謂臨

事而懼。好謀而成者。此耶。多知翁之療馬脾。今而後。必不取敗也。搏虛應實。無施而不可。豈獨馬脾。風而已哉。而世留之。由是書施藥。則庶幾乎不為鴆情之矣矣。翁為人魁梧。有學識。當異說橫行之時。維持吾儒望道。巍然獨立。毫不屈撓。猶楠山之守千窟。

城挽回頽運。豈不偉乎。迨其淑序。  
余烏不樂而序。明治十六年清  
明節。撰于青天白日樓中。

蒲生重章子閣



桂堂生方裕書



### 馬脾懲毖編序

疾病有古今之變。其源雖不可盡  
究。亦未曾不曰天地氣運之變遷  
焉。夫變而不窮者。造化之機也。動  
而不盡者。疾病之情也。為醫者。豈  
可不深察乎哉。凡事其發至微而  
終為大患。忽乎其始而馴致於不  
可如何之漸者。竅莫如嬰兒之為

脾風為人父母者能懲可懲於不  
之懲之日則其慮患也遠矣醫之  
誌可誌於不足誌之年則其為備  
也具矣在昔張長沙懲於當年之  
橫天其困於心銜於慮之深竟能  
求古訓採衆方撰傷寒雜病論以  
誌後患千載之下奉為不刊之典  
去以其能懲誌也我 栗園先生

體長沙之心博覈和漢古今之書  
凡自馬脾之病由以至施治之方  
法摭摭不遺勒成一書其備不虞  
者莫所不至焉吾黨亦懲 先生  
之所懲誌 先生之所誌宜講救  
活於無事之日使嬰兒永保性命  
而免父母顛躓之患焉嗚呼古今  
疾病之變其源雖不可盡究然

孰斯書而求其理能察病機之微  
決安危於一診之間使病去得防  
激杜漸則豈有難回之生哉是  
先生所以有遜志之編也書既成  
謹書為序

明治十六年癸未四月

門人 土佐黑岩惟教士莊撰

霞少年一片桐雄也

馬脾懲恣篇

淺田惟常識此甫著

下條俊超 校

今茲明治己卯一月、女兒卒然患馬脾而沒、痛傷  
之餘、拔萃古今之說和漢之方、以備不虞之用、名  
曰懲恣篇云

論馬脾風原由

羅天益衛生寶鑑云、風熱喘促、悶亂不安、俗謂之馬  
脾風、

濟生拔粹方云、暴喘俗傳為馬脾風也、又謂之風喉、

省翁活幼口議曰、馬脾風者暴喘而脹滿、又寒邪停留肺俞、寒化爲熱、亦生痰喘、飢逆上氣、肺脹齁齕、俗名云馬脾風、若不速治、立危。

按馬脾名始見于此、全幼心鑑、幼科準繩、醫學綱目皆同。

醫學入門云、馬脾風因肺寒甚、痰嗽齁齕、症最危、醫宗金鑑云、馬脾風俗傳之名、卽暴喘是也、因寒邪客于肺俞、寒化爲熱、閉于肺經、故胸高氣促、肺脹喘滿、兩脇煽動、陷下作坑、鼻竅煽張、神氣悶亂、初遇之急服五希湯、繼用一捻金下之、倘得氣開、其喘自止、如兒生百日内見此者、病多不救。

### 論馬脾風名義

萬全幼科發揮曰、何以謂之馬脾風、午屬馬、爲少陰君火、心主熱、脾土虛、心火乘肺、脾之痰升攻肺、而脹而喘、謂之馬脾風也。

陳復正幼々集成云、或胸膈積熱、心火侵肺、熱痰壅盛、忽然大喘者、名馬脾風、蓋心爲午、火屬馬、言心脾有風熱也、小兒此証最多、不急治必死、用牛黃奪命散下之効。

原昌克曰、千金方云、脾風占候聲不出、或上下午、又云名喉風、註云、總呼爲八風、今加馬字者、卽俗語大之義也、按本草綱目馬蘭、釋名云、俗稱物之



大者為馬也。段玉裁曰：凡艸類之大者，多曰牛，曰馬是也。脾風名亦見聖惠方。小兒嗽嗽，門鉛霜散云：治小兒脾風，多涎，心胸壅悶，不下乳食，昏昏多睡，可參考。

森立之曰：馬脾風者，慢脾風之對名。其冠馬字者，取之於急卒之義。如病源馬喉痺，醫學新知馬牙風，醫學入門馬牙瘡，萬病回春走馬牙疳，古今醫統走馬風也。按古人以馬命名者，往々取諸迅疾暴急之意，如走馬湯，走馬疳類是也。

### 論馬脾風有三證

幼科辨妄云：余詳此證，大抵有三證。一所謂金匱肺脹，一則暴食之小兒，食積濕熱上逆者，此二者易治。死亦不急。一則因暴食，脾氣頓傷，不攝涎沫，乍有上逆喘潮者，此証死在旦夕，尤可恐。肺脹証者，壯實之兒，內熱素盛，奉養太過，外厚衣被，褥火炕者，一時感風寒，內熱表邪逼於肺，初見太陽之証，咳嗽氣急，上氣喘嗽，或有汗或無汗，甚者煩躁不得寐，脉沈遲而有力，或伏而內熱之候盛者是也。內熱之候，口舌乾燥，煩渴好冷水，小便赤澀。等之証，宜用小青龍加石膏杏仁湯。熱不甚者，麻黃杏仁甘草石膏湯亦可也。因食積者，其兒壯實，奉養太過，甘姑息，乳食失度，癖積腸胃，水飲亦為之不利，或發熱或不熱，或熱亦不惡寒，雖暴喘氣急，尚能飲

食甚者煩燥不得寐此脉証亦沉遲沉伏大便或秘  
或自可小便或黃赤或如米泔者是也古方軍中一  
捻金則雖此症之主方用之不有效余曾保和丸加  
黃芩黃連桔梗枳實為細末以白湯頻々下之奏效  
尤多因氣虛者尤難辨宜仔細看之其証初一時發  
熱辨外感內傷尤疑似而難別或不服藥或服藥其  
熱忽去其兒多肥白少奔走則常短息是陽虛停飲  
也或睡中腹鳴如雷一時發熱暴喘氣逆不得寐煩  
躁不安其脉多浮大目如脫狀或四末微冷腹中大  
熱口舌乾燥者是也尤難治速與茯苓四逆加訶杏  
湯早用此方則救人不失必勿用甘遂大戟之類秋

山互脩

### 論馬脾風虛實

育嬰窺班云小兒暴喘俗稱馬脾風有虛實之二壯  
熱煩渴兩脇扇動悶亂嗽喝聲嘎而不發痰喘潮塞  
喘鳴如鋸聲乳食不下大小便不通此為實宜急下  
之若不速治立斃又無熱無渴腹悶亂下利青便痰  
涎壅盛喉中如水鷄聲滴水不下此為虛斷不可治  
岡了丸

### 論馬脾風有時

醫林方云其疾馬脾風冬後春月多有之按小兒藥證  
直訣云十一月十二月嗽者乃傷風咳也風從背脊

第三椎肺俞穴入也。蓋馬脾風係天地間之厲氣，與胎毒其證候與風寒咳嗽自異，雖不可拘時令，然其流行之別，亦不可不知焉。

論馬脾風可攻下

拔粹方云：暴喘俗傳馬脾風也。大便硬，宜急下之用牛黃奪命散，後用白虎湯平之。

論馬脾風急可治

醫林方云：馬脾風若不急治，死在朝夕。世俗不識作咽喉治之。

拔粹方云：馬脾風不急治，死在旦夕。醫學入門云：馬脾風若不速治，立危。

論馬脾風針灸法

拔粹方云：小兒喘脹，俗謂之馬脾風，又謂之風喉者，以草莖量病兒手中指裏近掌紋，至中指尖截斷，如此二莖，自乳上微斜，直立兩莖，訖稍盡，頭橫一莖，兩頭盡點穴灸三壯，此法多曾見愈。

醫林方曰：馬脾風切忌於胸腹上妄灸，但灸者火熱轉加，往往不救。

保嬰須知云：天明戊申臘月廿七日，本石第三街一驛戶喜八妻抱兒來，謂曰：豚兒發熱微效者，一二日頃，日近隣痘瘡盛行，是無非發痘候乎？請為診焉。余詳望切畢，僅視有鼻扇喘息之兆，乃曰是

將發馬脾風急將就治法廼作瀉白導痰湯及琥珀散且於臍上三處氣海天樞及傍中墨誌者凡八處而囑曰歸家互遽灸藥餌亦忽怠其母眼內含淚倉皇而負其子去矣余慮其證之危險迨黃昏至彼家將再診則其父謂余曰吁先生之認病候亦何使人驚怖之甚也今朝聞婦言疑惑頻生因又請診於一幼科則曰是痘疹序熱之候艾灼殊屬大禁於是受藥於彼耳余曰我雖未能見垣一方人其所診察未甚差焉其痘與非痘術之工與拙過二三日則自彰彰也遂辭而去至餘日其父走來曰兒迨于今不啻痘不出喘潮氣急上竄鼻扇不能吮乳因灸氣海天樞曾不透徹伏請速來賜藥餌余乃往則姑舅父母相與扶兒環而啼泣余曰汝等往不信余言而使兒至斯極急煎大劑黑附湯送下熊沉丸及琥珀散更點往數所取大艾炷頻灸則兒雖不啼哭眼神頗見活機余私爲慶則曰可力灸可力灸至三百壯則止過一炊時亦復報焉守法而日夜勿懈矣而至己酉正月五日申牌兒昏睡露睛者久之皆以爲疲勞已極死期不遠復延一醫視之醫曰夫芽兒精氣自有分何其艾炷大而且多如此也是不死于病而死于灸耳不如止之也病家畏其言猶豫不決復頻

走使喻其情以迎余，適中食吐哺而至，醫猶在座。余曰：人各有能，有不能，多用艾火者，我識見之所寓，而足下止之，意者必有所見而然者耳。請爲處方醫，喃々不答。余促之，殊嚴。彼漸曰：病勢危篤，無一工夫。余厲聲曰：足下無卓識，非我治法，是空言迷人，而害乎濟救而已。余便手自艾炷，復灸前穴，命弟子某盛藥蛤殼，頻々灌送。灸已向二百，兒揚聲啼哭，因姑止。灸炳將辭去，則醫既不在矣。爾後逐日小其艾炷，減其藥劑。凡灸十有六日，通計四千餘壯，而後兒始能笑。調理二十餘日而康安如常。至三月發痘，僅數點，不藥平復。

### 論咳嗽預防

聖惠方云：小兒解脫，風寒傷於皮毛，隨氣入於肺，肺感微寒，則咳嗽也。故小兒恒須令背暖，夏月亦須主背襠，若背冷得嗽。按此論風寒保護法，而小兒病皆可通用。蓋馬脾風之病，四時共而有，多發於陰雨暴冷，節氣之變，嬰兒身體嬌嫩，外邪易侵，故不可撤露風冷遊步，浴後且慎擁護，保攝以避爲要。

### 論馬脾風治法 發越之方

寇平全幼心鑑三和湯 治肺經寒邪，止嗽化痰  
卽麻杏甘石湯去石膏，此方脾胃虛實並用，按集成於麻杏甘石湯加桑白皮名五虎湯，亦可用。

人華蓋散 感冒風邪、鼻塞聲重、語音不出、四肢拘  
倦、咳嗽多痰、胸滿氣短、

紫蘘子 茯苓 陳皮 桑白 杏仁 麻黃

甘草 各二錢半

右咬咀用水煎、不拘時候、以衣被蓋覆、睡微汗、

回春五虎湯

麻黃 杏仁 甘草 石膏 細茶 生姜

臨時用藥、沖石膏服、

東垣曰、膏梁之人、奉養太過、及過愛小兒、亦能積  
熱於上、而成喘、互以甘寒之劑治之、按以上三方  
恐屬其治、

本草彙言治小兒風痰吐沫、氣喘欬嗽、肚腹膨脹、不  
思飲食、

射干錢一 大黃 檳榔 牽牛子各二錢 麻黃

甘艸各八分 但微炒研為末、每服五分、蜜湯調下、

明張時徹攝生衆妙方、治哮喘一方、金陵一舖家

以此方治哮喘、無不効者、因以起家、

白菓銀杏炒二 麻黃三 蘘子 半夏

欵冬花 桑白皮各二 炒苓一分 杏仁 甘

艸各一

右水煎分服、唐澤養真曰、治馬脾風經驗、

麻黃石羔雖治喘聖藥、不能拔去病根、若能兼服金

龍丸則可收十全効方輿觀金龍丸方見下

小兒哮喘俗謂之馬脾風凡小兒微感風寒而卒聲不出者此其兆也若至二三日身大熱而喘呼吸促迫煩躁搐搦痰喘迫咽喉者宜大青龍湯互用無價散大汗吐下之後發咳嗽啼聲者為佳也柴田方函

豁痰之方

直指千緡湯 治痰喘不能卧人扶而坐

半夏七箇湯泡七次 甘艸炒一寸 生姜指一寸 皂角一寸

右作一服煎已上素無而暴有者

保童秘要治呀

桔梗 甘艸各一分 朴硝三分湯成下

右以水五合煎取一合分作兩服

聖惠蟬殼散 治小兒心胸痰壅咳嗽下利常作呀呷聲者

蟬退 半夏 防已 甘艸 桔梗 陳皮

右為末生薑粥飲調下

濟生方導痰湯 治一切痰厥頭目旋運或痰飲留積不散胸膈痞塞脇肋脹滿頭痛吐逆喘急痰嗽涕唾稠粘坐卧不安飲食不可思

半夏泡四兩次 天南星炮去皮 橘紅 枳實去穢炒

赤茯苓去皮各兩 甘草炙半兩

右吹咀每服肆錢水貳盞生薑十片煎至捌分去

淳溫服食後

右山田業廣馬脾風經驗其訣在生姜多量與數服

育嬰清寧散 治咳嗽心肺有熱者互小便利去

桑白皮 葶藶 茯苓 車前子 梔子各等分

右細末每服半錢姜枣煎

高野孝全馬脾風經驗方

小陷胸湯加乳香沒藥白芥子

保嬰須知瀉白導痰湯 治胸中壅熱痰飲交作而

為效嗽喘急者

桑白皮 地骨皮 半夏姜製各 南星炮

枳殼 赤茯苓 甘草各一

右為二貼每薑五片水煎服

方輿輓真良湯 治芽兒喘急白散紫丸所不能救

方

茶實 南星 薄荷

右三味以水一合煮取五勺

吐痰之方

湯氏寶鑑奪命散 大能利痰不問急慢驚風痰涎

潮盛塞於咽間其響如潮名曰潮涎百藥俱不能

過其咽命在頃臾但先用此藥入喉其痰墜下功

有萬全



青礞石一兩

焰硝一兩

右同礞石入窩子內用炭火煨過須消盡為灰藥冷如金為末急驚痰壅生薄荷自然汁入蜜調微溫服之良久其藥自裹痰墜下隨大便過如稠淨膠黏乃藥之効也按袖珍方名礞石散

幼々新書黑散子

治小兒涎壅效嗽吐逆

天南星

半夏各五錢

白礬一錢

牙皂

巴豆

右為細末薑汁桑白同煎麪糊圓如黍米大用生薑煎湯食遠服

按心鑑有桔甘無牙皂巴豆名生餅子

名醫類案江少微治小兒鹽哮聲如曳鋸以江西疫豆豉一兩白砒一錢右研細末拌入精猪肉四兩以泥固濟炭火煨出清煙為度研細加淡豉搗勻為丸如黍米大每服二三十丸滾白水送下忌大葷鹽醬一月而愈

育嬰玉液丸

化痰涎止嗽咳此方甚驗

寒水石

煉研末二兩

半夏

炮七次研七錢半

枯礬

三錢

右細末生姜自然煎汁飛羅麵糊丸黍米大生薑湯下

治小兒齕齕惠眼觀證甘瓜散

幼々新書

瓜蒂

甘艸

各二錢

右為末每服一大錢五更初用茶清調下小兒半

錢

衛生易簡方治大人小兒一切咳嗽痰飲用生南星  
半夏各四兩白礬二兩飛時放去殼巴豆二十一粒  
候礬石定去豆三味為末生姜自然汁丸如桐子大  
小兒丸如麻子大每服二十九丸食後姜湯下

礬石散呼吸不利喘鳴聲啞喉中生肉絲之兆即用  
此方使嘔吐之

礬石入咽即發嘔氣此藥取消散肉絲刷掃粘痰  
之効耳非瓜蒂吐根湧出腸胃污物之比也今村  
馬脾

膽礬散 治馬脾風

膽礬 自二厘  
至五厘

右一味研末以冷水送下或以砂糖和服凝痰吐  
盡為度後服紫丸少許

稻葉隆林曰余以此方治十數兒其證喘鳴如挽  
鋸其聲徹四隣與此方吐痰極効蓋本于本草備  
要湧吐風熱痰涎治喉痺咳逆訖云

衛生易簡方治小兒胸喉膈熱大喘用膽礬輕粉等  
分為末每服一字漿水一匙小油三點攪勻灌之須  
臾即吐喘更止

全又方用銅青蛤粉等分為末每服一字新汲水半  
盞小油五點調勻服即吐

滌痰之方

幼々集成葶藶丸 治乳食衝脾傷風咳嗽面赤身熱痰多喘咳

胡葶藶 隔紙炒 黑牽牛子 炒 杏仁 漢已

右細末等分入杏仁泥和蒸棗肉為丸菘豆大每服五七丸姜湯化下量兒大小加減

育嬰家秘雄黃奪命散 治馬脾風似癇小兒肺脹

喘滿肺胸高氣逆兩脇扇動鼻脹悶亂嗽喝聲嘎

痰涎潮塞俗謂之馬脾風 全幼心鑑幼科發揮醫學綱目幼科準繩入門

回春皆同

黑白丑 各兩半取頭末 大黃 檳榔 各半 木香

右細末三歲者服二錢溫水調服涎多者加輕粉少許

又方

甘遂一錢 雄黃五分

每服五分新汲水五七七清油三點調下吐痰後

喘定此方常試有神驗 按衛生易簡方云小兒胸喉膈熱大喘即用甘遂三

錢雄黃一錢

衛生寶鑑無價散 風熱喘促悶亂不安俗言謂之

馬脾風

甘遂一錢 辰砂 半錢 輕粉一角

右細末每服一字用漿水少許上滴油一小點抄

藥在上漿沉下去却灌之

醫林方玉柱散 治痰涎

甘草 甘遂 等分

右為細末每服一字或至半錢以大小加減之用  
燈盞下油三五點蜜半匙生姜自然汁新水半小  
盞用銀釵子調服以嘔吐涎者為效後大便利為  
度

金鑑一捻金 方見不  
大便

大黃 生 黑丑 白丑 人參 檳榔 各等  
分

右為細末每少許蜜水調下

丹溪牛黃奪命散 馬脾風似肺脹喘滿胸高氣逆

兩脇痛動鼻脹悶亂嗽喝聲嘎痰涎潮塞俗謂之  
馬脾風者

黑丑 白丑 各半  
兩 大黃 檳榔 各半  
兩 木香

右為末

得効方雄黃丸 治小兒諸般喘嗽鹽醋等齶哮喘吼

雄黃 半兩 信石 三分 半夏 一兩 白礬 三分

巴豆 一分

右將白礬信石末焙糊丸粟米大辰砂為衣每服  
五七丸

按醫事小言載以化毒丸療馬脾風難奈者治驗  
蓋本於此

驪家醫言神應丸 主小兒一切諸病秘者必下瀉者必止驚風搐搦馬脾慢驚等證無不治

唐蒼朮 人參 沉香 肉豆蔻各一錢 甘艸六分

大黃一錢 巴豆六分

右丸芡子大辰砂為衣傳云暘谷橘君秘授

百痰一貫治馬脾風方和方

巴豆 南星 辰砂各等分

右糊丸每服二分

方輿輓金龍丸 治馬脾風諸藥無效及痰潮膈壅者

鼯鼠一枚去腸入紅花為霜或代龍葵 玉屑即輕粉 巴豆各五分

右三味為末糊丸金箔為衣

按即三味鼯鼠丸金箔為衣者

大黃 黃連 紅花 檳榔 芒硝 桔梗

貝母 甘艸

右八味

理痰之方

心鑑甘桔湯 治妳下咳嗽

即傷寒論桔梗湯加入參杏仁葶藶

右細末煉白蜜圓如芡實大安妳上令兒服

全寧肺散 治咳嗽無問新久

麻黃五錢 罌殼去葶蓋一兩 甘艸炙二錢半

右細末用烏梅一箇去核煎湯調化臨睡服

全人參半夏圓 治嬰兒肺胃受冷氣急胸膈痞滿  
喉中呀聲口吐涎沫乳食不下

半夏 厚朴 丁香 陳皮 人參

細辛 各半錢

右細末生姜汁煮麵糊圓如黍米大用生姜湯食  
後服

百一選方人參胡桃湯 治痰喘經驗秘方云治氣  
壅滯喉下結作成塊

人參 胡桃肉

右煎湯

尾陽村瀨豆洲曰此方中加訶子甘草治小兒馬  
脾風聲啞苦悶與麻黃石膏不効者屢驗合田義  
和曰小兒馬脾風以胡桃一味研末混和白陽服  
之立効遠江人屢用得活矣按本草綱目云漂陽  
洪輯幼子病痰喘五晝夜不乳食醫以危告其妻  
夜夢觀音授方令服人參胡桃湯輯急服新羅人  
參寸許胡桃肉一枚煎湯一蜆殼許灌之喘卽定  
明日以湯剝去胡桃皮用之喘復作仍連皮用信  
宿而瘳此方不載書冊蓋人參定喘胡桃連皮能  
斂肺也此卽今之馬脾風也

幼々新書貝母散 治小兒齁齕

貝母 茯苓 槐花 皂角 南星 人參  
甘艸 白附

本朝經驗治小兒喘息馬脾風方

鹿角粉一錢 熊膽五分 麝香一分

右三味散服急者鹿角粉一味按角石治一切胎毒在咽喉而喘者

茯苓四逆湯 秋山互脩古今取御云馬脾風因飲食過飽脾氣頓絕陽氣上奔者互此方尤極巨救

吹喉之方

驪家醫言辰龍散 治馬脾風

辰砂三分 土龍今用鼯鼠霜 礬石 伏龍肝各

錢

右四味為末以竹管吹入咽中一方伏龍肝換草撥一錢硝石一錢用之妙傳云山科一庵方幕府醫官篠崎樸庵曰鼯鼠霜一味為末以對症方點服或兼服無價散又青礬石一味白湯送下並効

附言

馬脾風之為病外感于厲氣而內毒應之其証身大熱而喘呼卒聲不出痰涎迫咽喉脉促面赤甚者目開口張水漿不入肚腹澎脹悶亂欲絕病勢比纏喉

風則至重、較陰陽毒則最急、宛如火之燎原、不早爲  
之防、則焦林爛壑、不可撲滅矣、蓋此病小兒尤多而  
大人患之者少、何也、嬌嫩之體、氣血未充、形神怯弱、  
腸胃綿脆、風痰驚食諸邪、易乘難去、加之胎毒癩癖、  
得其內、寒熱虛實動輒變更、故兒一感此疾、則不唯  
咽喉秘塞、痰喘壅盛、五內皆變亂、衰脫而斃、是以施  
其治者、吐嗟之間、互逆而吐之、擊而除之、理而救之、  
若遲緩失機、則變証百出、取敗尤速矣、余近日治此  
病、吐劑爲最、輕者礬石、重者膽礬、以吐頑痰、盡爲度、  
愈者不論後服、若病勢劇甚、吐猶不差者、以無價散  
巴豆三味丸、峻攻其毒、膈痰腸垢蕩盡而止矣、若虛  
脫、脈沉微、氣壅滯、喉中冷汗不止、大便青、小便自利  
者、以人參胡桃湯、茯苓四逆湯潤理之、庶幾乎免死  
矣、世醫不知外感于厲氣、而內毒應之、唯以風寒肺  
脹之方待之、徒事發汗豁痰、或以砒石甘汞慄悍之  
劑、一意猛攻、使無事嬰兒、枉受殃夭、悲夫、



馬脾懲誌編跋

嬰孩之疾最猛厲者莫馬脾風若  
焉。其証頑痰阨咽。喘響如鋸。考音  
瘖啞。水漿不下。緩者三四日。劇者  
一二日。死生反掌。竟不可救藥也。  
比歲斯病大行。桂摧玉碎。天殤日  
踵。至慘毒方可懼。而醫家未細論

及。可謂一大闕典矣。嚮栗園淺田  
先生。亦失令愛。深感海喪。痛慨橫  
天。欲懲盜後患。乃有此著。頃日。同  
姓俊超。請先生上之梓。以公于  
世。使謏後于尾。謏謂。此書先生肺  
腑之所注。而一治一方。皆枯槁歐  
血之所得。則於馬脾風之治。蓋無  
出于此書之右者。豈可與空言論  
事者同日而語哉。嗚呼。天下之使  
嬰孩。免短札之厄。永躋壽域。於桂  
芳玉潤者。亦舍此出而何授乎。然  
則俊超君刊行之澤偉。而先生懲  
盜之意。亦於是乎顯焉。鋼安得不  
喜而跋耶。

下條鋼謹跋

癸未六月

竹所井友出



明治十六年六月七日版權免許  
明治十六年七月出版

静岡縣士族

著者 淺田宗伯

東京牛込區橫寺町  
五拾三番地寄留

東京府平民

出版人 下條俊超

神田區佐柄木町  
十一番地

東京書肆

發兌書肆

巖々堂

神田區雉子町  
三十二番地

